

Ministro Marisol Lopez-Tromp a efectua esaki

CONTRATO FIRMA PA RENOBACION Y CONSTRUCCION DI ST. MICHAEL PAVILJOEN

ORANJESTAD (AAN): Diabierna a tuma lugar firmamento di contract pa cuminsa cu renobacion y reconstruccion di St. Michael Paviljoen. E cas pa nos grandinan St. Michael Paviljoen ta e parti na banda di San pedro Paviljoen na Playa. E estado di St. Michael Paviljoen ta laga hopi di desea y esaki ta afecta e calidad di bida y cuida di nos grandinan cu ta biba eynan.

Den cuadro di esaki y tambe e prioridad cu Minister drs. Marisol Lopez-Tromp ta duna na nos grandinan y nan valor na nos comunidad, Gabinete Oduber III a pone 2.1 milyon Florin pa renobacion y reconstruccion di e edificio aki.

E diseño di renobacion ta pone nos grandinan, nan deseonan y nan necesidadnan central pa asina hisa e grado di satisfaccion di nos grandinan y tambe haci e ambiente mas ameno. E enfoko nobo aki unda cu nos grandi ta central ta haci e diseño hopi avanza y pesey e ta inclui aspectonan manera circulacion di aire, acceso cu rol stoel, cambernan mas grandi, un central electronico pa nos grandinan por pidi asistencia di enfermeronan, un tienda na unda nan por compra articulonnan basi-

co, kantine pa empleado-nan, zusterpost, etc.

E construccion lo ta den man di e compania local Bohama y e trabaonan lo dura mas of menos 9 luna. Minister drs. Marisol Lopez-Tromp ta desea SABA y nos grandinan cu

ta bibando den Michael Paviljoen hopi pabien cu e proyecto bunita aki. Esaki ta un otro obra cu ta reafirma e valor cu Minister drs. Marisol Lopez-Tromp ta duna na nos grandinan.



**Telefonnan di
DIARIO
582-6747
Fax:
582-8551**